

第六冊

南社詩集

初五題

南社詩集 第六冊目次

二七六	葉 葉楚儉詩	一
二七七	鄒 遇 秋士詩	三七
二七八	鄒 銓 亞雲詩	三九
二七九	雷昭性 鐵厓詩	四一
二八〇	蒯文偉 一斐詩	七〇
二八一	蒯貞幹 嶼樓詩	七五
二八二	趙世鈺 甘相詩	七五
二八二	趙光榮 枚叟詩	七六
二八四	趙式銘 搗叔詩	八一
二八五	趙 坤 致中詩	八四
二八六	趙宗瀚 澄甫詩	八五

二八七	趙煒如 堅白詩	八七
二八八	趙澤霖 茗荇詩	八七
二八九	劉 三 季平詩	八八
二九〇	劉去非 去非詩	八九
二九一	劉師陶 滄霞詩	九〇
二九二	劉民畏 曙星詩	九五
二九三	劉國鈞 君曼詩	九五
二九四	劉 躬 伯仁詩	一〇一
二九五	劉超武 漢聲詩	一〇三
二九六	劉 瑗 仲蘊詩	一〇三
二九七	劉 筠 筱墅詩	一〇四
二九八	劉澤湘 今希詩	一〇九
二九九	劉 謙 約真詩	一一九

三〇〇	劉鵬年 雪耘詩·····	一四〇
三〇一	樓 邨 辛壺詩·····	一五九
三〇二	潘世謨 民訄詩·····	一六〇
三〇三	潘有猷 公展詩·····	一六五
三〇四	潘飛聲 蘭史詩·····	一六七
三〇五	潘普恩 少文詩·····	一八三
三〇六	蔡文鏞 韶聲詩·····	一八六
三〇七	蔡有守 哲夫詩·····	一八七
三〇八	蔡 寅 治民詩·····	二一一
三〇九	蔡燮垣 煥伯詩·····	二二五
三一〇	蔣士超 萬里詩·····	二二六
三一一	蔣 信 蔣山詩·····	二七二
三一二	蔣著超 子旌詩·····	二七四

三二三	鄧文暈	素青詩	二七四
三一四	鄧家彥	孟頫詩	二七六
三一五	鄧溥	爾雅詩	二七八
三一六	鄭之章	折三詩	二八九
三一七	鄭瑛	佩宜詩	二九一
三一八	鄧澤叔	容詩	二九一
三一九	黎尙爰	耕霖詩	三一〇
三二〇	盧鑄	可鑄詩	二一二
三二一	衛嘉榮	蠶水詩	三二三
三二二	諸允元	貞壯詩	三二四
三二三	錢鴻賓	紅冰詩	三二〇
三二四	錢潤瑗	景蓮詩	三二五
三二五	駱鵬	通南詩	三二六

三二六	龍翔小靈詩	三二九
三二七	繆鴻若勿庵詩	一二九
三二八	謝无量 无量詩	三三三
三二九	謝良牧園人詩	三三八
三三〇	謝英伯抱香詩	三四二
三三一	謝樹瓊佩青詩	三四五
三三二	鍾動薜生詩	三五〇
三三三	戴克諧 燕蘆詩	三五三
三三四	戴德章 是言詩	三五四
三三五	蕭蛻 蛻公詩	三五七
三三六	蕭篤平 中櫟詩	三五九
三三七	譚天 天風詩	三六一
三三八	譚作民 介夫詩	三六六

三三九	龐成字棟岩詩	三六九
三四〇	龐樹松獨笑詩	三七一
三四一	龐樹柏龍禪詩	三八〇
三四二	蘇元瑛曼殊詩	四二四
三四三	蘇南幹寶詩	四三四
三四四	釋永光海印詩	四三八
三四五	饒真一梅詩	四四〇
三四六	顧无咎悼秋詩	四四四
三四七	顧保瑤婉娟詩	四六一
三四八	顧餘九一詩	四六一
三四九	華爾位醉齋詩	四六三
三五〇	龔篤卑庵詩	四七六

二七六 葉葉楚儉詩

有懷

料得今宵月，天涯一樣明。
簾高香露重，風襲殺衣輕。
欲暈心頻怯，圓意轉繁。
誰人弄玉笛，吹送一聲聲。

鈍劍以詩四絕誌余與道一海上之遇用原韻和之

薇蕨山頭古逸民，中原相值一酸辛。
關河戎馬倉皇裏，男子如何作酒人？
花萼樓前水調哀，曲江淘盡少陵才。
書生只合承平死，令譽翻從亡國來。
醉聞小院唱伊涼，舊恨新愁兩渺茫。
且盡一杯醇酒去，人生幾度合離場？
君是秋雲我紫煙，樓頭渚畔任年年。
今朝又被風吹散，卜了征鴻苦了鵲。

春曉廻文

紅萼落盡將春暮，燕語雙招試捲簾。
風笛錫聲村市早，碧紗窗暖日纖纖。

傷春二首

感慨無甯日，登臨且遣春。烽烟滿吳楚，榮惑在鉤陳。花老幾離別，時危一愴神。側聞使者語，天子罪言臣。

地未收河朔，民多泣路隅。衣冠成夢寐，廊廟識侏儒。萬里一身客，期年雙眼枯。春風若歸去，攜我上姑蘇。

懷巢南武林

借問武林客，春來意若何？青迴蘇墓草，綠上白堤波。得句向山笑，攜樽屬鳥歌。劉三曾醉未，佳日莫蹉跎！

醒華龍聖諸子自燕市貽書相問且云菡萏風前不識能在滄浪亭同醉否悵然賦此答之

中原攜手知何日？君馬玄黃我馬隤。蒼水墳頭燒紙去，白衣江上送人回。論情自願隨花去，有夢還須帶酒來。北望臨風一涕淚，斷鴻零雁總堪哀。

旅夜書懷十六韻

深夜起悲歌，窮愁奈我何？劍飛霜下鶴，聲泣海中黿。雲氣橫星漢，烽烟憶漠河。時聞蛩歎息，亦有雁經過。柰去留張尉，弓殘問翠娥。舞衣金縷鳳，寶髻碧紋螺。情向燈前解，愁因酒裏多。無端心冷熱，不定夢婆娑。精衛他牛怨，子規別緒魔。麝檀空寶鴨，宮巷臥銅駝。繁調聲如水，軍書夜若梭。香醪邊士血，降旆美人羅。賊警紅孃盒，天廻魯子戈。兩般皆利器，一例付洪波。婉轉成詩語，低離感黍禾。不知亡國恨，識得故人麼？

和倉海秋懷八首

風急江天秋雁過，拚攜詩意慰蹉跎。南中工部傷心慣，客裏司勳斷夢多。喬木陸濃封殿宇，孤臣眼下舊山河。淒涼法曲人間絕，何處重聽側調歌？

相如去後壁誰歸？寒外羽書午夜飛。割却珠崖屏已撤，生擒閼氏願先違。草衰荒漠秋容瘦，風滿長城趙幟肥。昨夜傳聞胡馬入，可憐閨婦尚砧衣。

當年幾社起雲間，絕嶮廻峯赤手攀。湘水魂歸新別怨，吳江軍失舊威顏。霸才如此投鞭水，壯志輸他墮淚山。日暮海濱閒眺望，羨他漁父一身閒。

南州秋信底遲遲？籬畔花蘂隔歲期。可是爲郎羞不起，應無憐我病支離。酒腸未盡樽中淚，

勁節猶存霜後姿，一片春光成宿夢。幾曾聽到賞花時，

四萬萬人盡楚囚，不堪劫後寄神州。金陵王氣隨旄落，
旌歌大內祝千秋。呢喃開寶興亡事，一部閒文供白頭。

齊雲樓壞臨雲斜，恨匝山巔與水涯。前席未聞虛賈傳，
光通鄂城劍氣華。黃帝不靈維柱破，秋深故未見黃花。

東嶽難封司馬文，北門先上犒牛勳。井中史出心匪石，
可堪椽筆掃三軍。孤鴻中夜幾聲唳，月死風悲不忍聞。

秋到深時景物蕭，洞庭木葉舞寒飈。一燈婉轉詩思劇，
孤墳付與浙江潮。九州鐵聚神州後，一錯從今不易銷！

夢吳江行

冬夜之午，夢身在舊朝，城守吳江。時城外圍敵以數萬計，累月未破。繼開蘇浙相次淪陷，孤城殘壞，兵無鬪志，遂爲敵乘。惘然出城，兵不滿百，思奔赴行在，又不得達，大
哭而醒。

千騎萬騎夾危堞，吳江城外陣雲疊。將軍咤叱動風雷，大旗血濺書成葉。擐甲昂頭目四瞋，只見先王不見身。周墮大呼殺賊樂，手揮鐵椎如車輪。此時胡兒亦天矯，飛梯百丈環城倒。河水鳴咽不成流，新紅慘綠離離草。忽開羽書自東來，武林今夕成蒿萊。錢塘三日潮聲死，千門萬戶生塵埃。戰士驚失東南臂，將軍功業漢家地。西風瑟瑟角鳴鳴，淚聲血誓陳忠義。當時安史亂炎庑，睢陽烽燧燭天狂。美人血作軍中水，孤城獨堵夏夷綱。金陵王氣況未銷，諸君且爲朝廷保。勞師久頓糧不繼，背城一戰乘他老。軍士稟命曰唯唯，此身誓與吳江碎。烏騅奮鬣嘶嘶鳴，若云敬聽主人誨。士夫敵愾久不張，游奕背窺今鷹揚。君王不向鼎湖去，馬革何處非疆場？朝從太廟負矢出，暮挾胡俘北門入。臣力已盡天不知，狗兔又上沼吳策。嚴城百尺夕數驚，更聽劉琨羌笛聲。雞肋未傳新號令，馬嵬已失舊軍營。嗟我一身不足惜，朝廷何以恢前烈？蒼然今淚出門去，餘骸當臥先王側。道逢漁父爲我語，江東豪傑今無主。一戰不勝捲土來，河山留君爲孤注。嗚呼河山留我爲孤注！

題莫愁像

六朝金粉舊班頭，夫婿當年第一流。戰罷君王新賜酒，凱旋聲裏接歌喉。

君臣同在勝棋樓，眼底江山一局收。天錫佳名成福識，南朝天子枉無愁。
徐王千古媿韓王，山水錢塘愧建康。一樣英雄兒女事，金山桴鼓負梁孀。
樓外湖光接帝城，青山紅袖兩鍾情。夕陽桃葉無人渡，一着佳人便著名。

題鈍劍花前說劍圖

天開雄艷無雙格，花之魂兮劍之魄。一朝寶劍嫁名花，春風秋水情綿脈。
秋水虬螭劍一泓，豈有名花不解語？坐教劍冷殺人盟。筑聲鳴咽易水死，荆卿圖盡秦宮畏。但見
六國作降王，何嘗五步橫天子。所以項羽學不成，赤手一炬成陽城。路逢斬蛇好身手，大風吹起
楚歌聲。烏髻蠻衣紫繡袍，龍紋羊角雙絲織。庭前一葉吟風落，田家軍氣銷旌旄。排難解紛秉三
尺，英雄一例同婉孌。何事負伊作龍吟？花前花後資談劇。高生之花玉交枝，高生之劍白虹姿。海
內而今乏知己，圖成花劍一相思。

中秋看月詞

礪石山頭雲靄靄，葱蘢灑下水湍湍。一輪捧出團欒月，付與天涯遊子看。
牙板歌殘金絡束，羅衣寒怯玉闌干。吳郎今夜隨緣甚，不許人間妬婦看。

人間月色今宵好，月裏悲歡千古秋。還我滄桑雙冷眼，將他圓缺看從頭。
 玉樹聲中第一仙，素衣縞袂態嬾嬾。看來月下承平景，却似亡陳第二年。
 我看嫦娥殊未見，嫦娥看我意何辛。當年一樣偷靈藥，惜別何嘗有此人。
 離人看月當看缺，纔一宵圓便惹愁。我自下簾尋夢去，明朝問汝尙圓不？

旅夜和小白

沈沈風雨裏，攜夢上危樓。南北東西夜，興亡今古愁。鄉思落吳越，時事悵燕幽。明月擎帆去，秋風薦荻洲。

題白門悲秋集

高家軍馬入宮來，鳳闕龍城一笑開。嫁得君王成薄命，最難夫婿是無才。柳絲不作長門色，錦袴猶存大內裁。姊妹未知亡國恨，賀儂新自日邊回。

懷儂小字喚傾城，便使風波幕地生。蠟燭有時還沒淚，鴉聲入夢更關情。欲拚醉後忘新怨，怕向朝來記宿醒。自理玉箏搗雁柱，爲他音韻略悽清。

碧玉盈盈十五時，相思不解解嬌癡。燈前學字先書女，馬上逢郎却問誰？一自翠華勤按舞，

幾曾紅蕖亂題詩？西陵脈脈迴青草，淚袖風塵冷酒卮。

玉容消瘦亭蘿春，慰語深深感比鄰。將相尙邀新異數，年華百合未忘人。精禽已種前生恨，泥絮何堪再造因。願繡心經三百卷，素絲傍署舊官嬪。

庚戌紀事二十二首

葉家埭外碧波洄，正月初三訪墓來。白首村姬知野史，臨風遙指小池隈。
艷蹟難稽北邙名，佳人交臂失卿卿。如何不及真孃墓？死後還留撮土情。
蘭橈輕試夕陽斜，南望分湖傍紫霞。徹夜燒燈釣月舫，可知杯酒卽天涯。
浙浙輕風上古堤，白蘆川後又紅梨。傳觴別具名流意，不爲歡娛爲慘悽。
松陵文獻盡琪琚，一代風流劫盡餘。還我小疎香閣傳，雙紅燭下拜安如。
徽酒初停射覆杯，雙扶殘醉上琴臺。御街十里梅花障，幾輩青娥肅駕來。
輕塵淺襯富平車，六市春深護若耶。簾底笑逢雙丫髻，爲他傾國送名花。
白蜺江頭春水生，離魂初妥又長行。淒涼總帳音容杳，未到清明先薦羹。
阿母縫衣耐夜寒，稚妻侍從強爲歡。臨歧遲早須離別，不許回頭仔細看。

鯨波萬里壯圖南，擊筑人來酒正酣。一夜樊樓燈火下，杏花春雨遇朱三。
雲間陳生天下士，十年湖海證相思。未醉大難同痛哭，且上酒家盡百卮。
黃海風雲南海濤，羣龍迢遞送人豪。一天星斗墮蒼水，百丈樓船建耀旄。
二月南州春已深，紅棉花下午沈沈。念奴嬌後黃金縷，一夜笙歌兩處心。
八閩正氣未銷亡，白首邱郎老更狂。百六國魂招不得，殘編賸墨紀唐王。
蘇臺人去翠巢空，天末風情解惱公。徹夜張燈傳酒吏，此生未許老新豐。
海上幾回人送客，天涯中夜酒爲妻。醉來飛入吳宮夢，腸斷一聲烏夜啼。
說部我輸李養夢，小戎離黍出談諧。維揚秋信無憑據，證入梅州遊子懷。
茉莉雙珠記宿知，一燈秋雨女兒癡。銀鈎銀燭銀屏畔，薄醉扶妝上壽時。
宗國今生欲問天，五胡甲子亂編年。吳江軍氣輝星斗，遺烈新徵王問篇。
河側龍泉一勝遊，輕風霽日渡蓬洲。老僧何與興亡事，隆準豐顙識黑頭。
先拜前王後祖先，微生今祝髮三千。爲他耳鬢厮磨壁，悞我塵寰廿四年。
梅花江上三分白，心事中年總行役。一杯冷酒送黃昏，人間今夕是何夕？

病意

病意無端至，簾輕覺薄寒。燈孤心宛轉，蛩冷雨辛酸。久渴才非馬，中年髮未潘。如何鎮起臥，橫豎不成歡。

九秋詩

西風瑟瑟漢家營，砧杵無端笳鼓聲。萬里沙明盤馬塞，雙旌月冷受降城。開邊天子擅神武，盪寇將軍寄死生。中夜忽傳新號令，亂拋閨夢踏燈行。（秋戌）

細細欄紋薄薄羅，一燈心事奈愁何！蕭條雞店風和雨，斷續蛩階泣復歌。惟有夢魂遮不住，卽分花影已無多。閨中更切征人怨，斜對銀河憶黑河。（秋窗）

懶散梳粧冷熱香，一聲雁唳九迴腸。行人更在斜陽外，妾夢不如金線長。可有歡情羈別緒，悔教鵬鷺悞鴛鴦。朝廷徵到花家去，便爲私情走一場。（秋閨）

燈城雪窖木蘭橈，念四橋頭舊玉簫。野水金杯三疊令，曉風牙拍六絃么。銀槎偷許張郎渡，碧海閒將素女挑。劃段鴛鴦水歸去，明眸雙剪一魂銷。（秋舫）

雨雨風風一杯酒，差堪盪氣與迴腸。湘山鬼三閭醒，末路窮途阮籍狂。楓不禁紅顏醉葉，